

EW NOMOPUNG

A AWORA UKUKUN FISU NGOROU CHANA (\$7,000) REN FAN ASENGESIN MONIEN EW WIIS NON EWE OFESIN PUBLIC AFFAIRS NON CHUUK, EPWE WISEN TUMUNU MWOKUTUKUTUN MONIEN AN MUUN FONU KEWE PROJECTS ME PROGRAMS NON CHUUK.


EPWE PUNG ME REN EWE TRUK DISTRICT LEGISLATURE PWE:


Tetten 1. Kaworen Moni. Iei a kawor ukukun fisu ngorou chana (\$7,000) seni ewe Monienapen Legislature ren fan asengesin monien ew wiis epwe kawor me non ewe Ofesin Public Affairs non Chuuk, ren an epwe wisen tutumunu me nennengeni mwokutukutun ekkewe monien an muun fonu kewe projects me programs. Ukukun onu ngorou chana (\$6,000) epwe nounou ngeni niwinin ewe wiis me an benefits, nge ew ngorou chana (\$1,000) epwe nounou ngeni met sakkun expenses mei fis ren mwokutukutun angangen ei wiis. Ewe a wisen finita ngeni ewe wiis, epwe emon mei fakkun sinenap non pekin muun fonu, epwe pwan tongeni akkaiiti nouwiisin me choon angangen muun fonu, non pekin tumunun monien iteiten ier me taropween ika pukan. Ewe a finita ngeni ei wiis epwe fiti tipeewin me mwochenin ewe Legislature, ika menni chok committee a wenengeni.

Tetten 2. Tumunun Moni. Ewe Meinapen Pekin Public Affairs non Chuuk, iei a ~~muun~~ ngeni an epwe wisen tumunu ei moni mei kawor me ren ei Nomopung. I epwe pwan awora repottun me mwokutukutun ei moni mei kawor, epwe koon ainapa porausen ewe monien muun fonu me an project.


Tetten 3. Niwinsefanin Moni. Met ukukun nussun ei moni mei kawor, esemwo it ne nounou ika nussuno tori non September 30, 1977, epwe niwinsefaniti ewe Monienapen Legislature.

Tetten 4. Poputan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an a pusin winiti annuk inamwo ika esemwo chiwen kapungunno me ren Kepina.

Ametata seni: 
Datasy Albert
Legislative Clerk/Secretary
Truk District Legislature

Sain seni: 
Koichi Sana, Speaker
Truk District Legislature

Pwinin maram: 7/1/76

A kopungunno seni: 
Mitaro S. Danis
District Administrator, Truk